



Jngo ca qu'e tsanguíjen ján ison nindo.
Cjín ma xi tsanguíjen. Itjón
quiniquinchejen jñá xi tsanguicojen.
Tsiquindajen tsojmi xi quichájen --
cóotjín tsojmi xi chichinajen.
Quichájen niño. Quichájen nandá
co yijo. Co quichájen chiquín xi
tsacájen. Ya tsiquitsejen ni'in co
tsiquindajen comida xi chichinajen.



Cóotjín xi tsanguícojen ticoâ
quichájen itsinga xi quítsjatinjen.
Jngo nitjen quítsjayijojen ya. Nga que
ijchojen itjôn tsiquindajen ni'ya.
Ni'ya nailon né. Jye tjínda. Ta
sasindasa. Xi jye coma tsivitsejen
ni'in tsivindajen comida. Icjoán
chichijen. 'Nó nda chon ya ñánda
tsanguíjen. Tjín imíxa ñánda ma
vichisoán co tjín ñánda vitse
ni'in. Nda chon. Cjín xíta jvi jngo
nitjen, jo nitjen mala xíta nga
vitsajna. 'Va tsjiitsje mé xi sichjën.



Nda chon. Tjin ich'ón. Tsja ison chon.
Tsja 'va nchiinchán tjo, scanda ma
chicjá suetená nga maxon. 'Nó nchán
ma. 'Nó quisasennajen. Ya ñánda
tsiquitsajnajen 'ñó tsje ma scanda mi
ma chicjá suetená. 'Nó tsje. Mi ma
vitjoã nitsiän. Coí tsanguínajen
nga 'ñó tsje. Jo hora tjínla ya
ñánda tsanguíjen tiyane. Ticoâ 'va
jtsi. Co ñánda tsiquitsajnajen mi
mé jtsi 'va. Ta cjé 'vane. Xicja
chonne. Sasa jvatjiyala isonde coíla
nga nindo. 'Nó quisasenna.

Este folleto habla de unas personas que fueron a un monte llamado Limón a pasar la noche.

Autor: Una persona de habla Mazateca

Idioma: Mazateco de San Jerónimo
Tecoatl, Oaxaca

Esta edición de prueba consta de 25 ejemplares.

26 de septiembre de 1986